

II

Imenovanje iz tačke I ovog rješenja vrši se do okončanja procedure Javnog oglasa i konačnog imenovanja, a najduže na period do tri (3) mjeseca.

III

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-04-29941-42.2/21

05. augusta 2021. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 64. stav (7) Zakona o zdravstvenoj zaštiti ("Službene novine Federacije BiH", broj 46/10 i 75/13), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 13. stav (3) Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za hitnu medicinsku pomoć Kantona Sarajevo ("Službene novine Kantona Sarajevo", broj 7/12) i člana 24. stav (1) Statuta Javne ustanove Zavod za hitnu medicinsku pomoć Kantona Sarajevo ("Službene novine Kantona Sarajevo", broj 45/13, 47/13 - Ispravka i 20/16), a na prijedlog ministra Ministarstva zdravstva Kantona Sarajevo, Vlada Kantona Sarajevo, na 35. sjednici održanoj 05.08.2021. godine, donijela je

RJEŠENJE**O RAZRJEŠENJU PREDSEDNIKA UPRAVNOG
ODBORA JAVNE USTANOVE ZAVOD ZA HITNU
MEDICINSKU POMOĆ KANTONA SARAJEVO**

I

Razrješava se Vesna Hadžiosmanović dužnosti predsjednika Upravnog odbora Javne ustanove Zavod za hitnu medicinsku pomoć Kantona Sarajevo, na lični zahtjev, sa danom 03.08.2021. godine.

II

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-04-29941-42.1/21

05. augusta 2021. godine

Sarajevo

Premijer

Edin Forto, s. r.

Na osnovu čl. 137., 138. i 138a. Zakona o radu ("Službene novine Federacije BiH", broj 26/16 i 89/18) i člana 175. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 36/20 i 49/20) (u daljem tekstu: Kolektivni ugovor), Samostalni sindikat osnovnog obrazovanja i odgoja Federacije BiH – Kantonalni odbor Kantona Sarajevo, kao predstavnik radnika, i Vlada Kantona Sarajevo, kao predstavnik poslodavca, zaključuju

KOLEKTIVNI UGOVOR**O IZMJENAMA I DOPUNAMA KOLEKTIVNOG
UGOVORA ZA DJELATNOSTI PREDŠKOLSKOG
ODGOJA I OSNOVNOG ODGOJA I OBRAZOVANJA U
KANTONU SARAJEVO**

Član 1.

U Kolektivnom ugovoru za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 36/20 i 49/20) u

članu 15. stav (4) iza riječi: "konkursni materijal" dodaju se riječi: "- konkursna dokumentacija izabranog kandidata i sve obrasce na kojima se vrše bodovanja".

Član 2.

- (1) U članu 44. iza stava (1) dodaje se novi stav (2) koji glasi: "(2) Direktor ustanove je obavezan da radniku najkasnije do 15.10. tekuće godine izda rješenje o 40-satnom nedjeljnom zaduženju i u situaciji kada Godišnji program rada ustanove nije usvojen od strane Školskog odbora iz objektivnih razloga."
- (2) Dosadašnji stav (2) člana 44. postaje stav (3).

Član 3.

- (1) U članu 65. iza stava (2) dodaje se novi stav (3) koji glasi: "(3) Radnik iz stava (1) ovog člana ne gubi stečeno pravo, ukoliko zbog plaćenog odsustva dužeg od šest mjeseci nije ocijenjen."
- (2) Dosadašnji stav (3) člana 65. postaje stav (4).

Član 4.

- (1) U članu 66. stav (1) tačka a) broj: "1%" mijenja se riječima: "najmanje 1% za svaki dan rada sedmično, a najviše 5% rada u toku radne sedmice".
- (2) U stavu (1) tačka b) iza riječi: "najviše" dodaje se riječ: "do", a broj "2%" mijenja se brojem: "3%".
- (3) U stavu (1) tačka c) broj: "1%" mijenja se brojem: "2%".
- (4) U stavu (1) iza tačke j) dodaju se tačke "k)" i "l)" koje glase:
 - "k) sekretaru i samostalnom referentu za plan i analizu pripada pravo na poseban dodatak uz plaću u iznosu od 2% njegove osnovne plaće,
 - l) administrativnom radniku pripada pravo na poseban dodatak uz plaću u iznosu od 2% njegove osnovne plaće."
- (5) Stav (3) se briše.
- (6) Dosadašnji st. (4), (5) i (6), postaju st. (3), (4) i (5).

Član 5.

- (1) U članu 67. stav (1) tačka f) iza riječi: "povjerenika" dodaju se riječi: "u ustanovi".
- (2) Iza stava (2) dodaje se novi stav (3) koji glasi: "(3) Uvećanje osnovne plaće iz stava (1) tačka f) ovog člana se odnosi isključivo na sindikalnog povjerenika u ustanovi, a uvećanje osnovne plaće iz stava (1) tačka f) ovog člana i pravo iz člana 140. stav (2) tačka e) međusobno se isključuju pri čemu sindikalni povjerenik u ustanovi bira jedno od dva navedena prava koje je povoljnije za njega."

Član 6.

U članu 81. stav (3) se briše.

Član 7.

U članu 82. stav (6) se briše.

Član 8.

U članu 92. stav (1) iza riječi: "psiholog" dodaju se riječi: "bibliotekar, socijalni radnik".

Član 9.

- (1) U članu 115. stav (1) u tački a) broj: "60" mijenja se brojem: "90".
- (2) U stavu (1) dodaje se nova tačka "i)" koja glasi: "i) izuzetno iz tačke a) ovog stava kada se radi o sklapanju ugovora o radu sa radnicima iz člana 11. stav (4) ovog Kolektivnog ugovora, u toku školske godine na određeno vrijeme kraće od 180 dana,"
- (3) U stavu (1) dosadašnja tačka i) postaje tačka j).

Član 10.

U članu 116. stav (1) iza riječi: "psiholog" dodaju se riječi: "bibliotekar, socijalni radnik".

Član 11.

- (1) U članu 122. stav (1) dodaju se dvije nove tačke "q)" i "r" koje glase:
- "q) za usvajanje djeteta 7 radnih dana
- r) za sticanje statusa hranitelja 7 radnih dana"
- (2) U stavu (1) dosadašnja tačka q) postaje tačka s).

Član 12.

U članu 138. riječ: "povjerenicima" mijenja se sa riječi: "predstavnicima".

Član 13.

U članu 146. riječi: "Sindikalni povjerenik u ustanovi, odnosno član Kantonalnog odbora Sindikata" mijenja se riječima: "Svako lice iz člana 138. ovog Kolektivnog ugovora".

Član 14.

U članu 178. stav (13) riječi: "u Službenim novinama Kantona Sarajevo i" mijenjaju se s riječi: "na".

Član 15.

- (1) Ovaj Kolektivni ugovor smatra se zaključenim kada ga potpišu ovlašteni predstavnici ugovornih strana.
- (2) Ovaj Kolektivni ugovor stupa na snagu danom objave u "Službenim novinama Kantona Sarajevo", a primjenjivat će se od 01.07.2021. godine osim odredbi iz čl. 4., 5., 6. i 7. ovog Kolektivnog ugovora, koje se odnose na materijalna davanja i koje će se početi primjenjivati od 01.09.2021. godine.
- (3) Ovaj Kolektivni ugovor će Vlada u roku od 7 (sedam) dana od dana potpisivanja objaviti u "Službenim novinama Kantona Sarajevo".
- (4) Ustanove su dužne uskladiti svoje opće akte sa ovim Kolektivnim ugovorom u roku od 30 dana od dana stupanja na snagu ovog Kolektivnog ugovora.

Član 16.

- (1) Ovaj Kolektivni ugovor je potpisan u 7 (sedam) istovjetnih primjeraka od kojih svaka ugovorna strana zadržava po dva, a po jedan primjerak Vlada Kantona Sarajevo dostavlja Ministarstvu finansija Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i "Službenim novinama Kantona Sarajevo" na objavu.
- (2) Ovaj Kolektivni ugovor kada se zaključi, dostavlja se kantonalnom ministarstvu nadležnom za rad, u skladu sa Zakonom o radu.

Broj 1196/21
28. jula 2021. godine
Sarajevo

Broj 02-02-27630-6/21
29. jula 2021. godine
Sarajevo

Za Samostalni sindikat
osnovnog obrazovanja i
odgoja FBiH –
Kantonalni odbor
Kantona Sarajevo
Predsjednik
Saudin Sivro, s. r.

Za Vladu
Kantona Sarajevo
Premijer
Edin Forto, s. r.

Premijer Vlade Kantona Sarajevo

Na osnovu člana 10. stav (4) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 5/21), premijer Kantona Sarajevo donosi

ODLUKU**O ODOBRAVANJU KORIŠTENJA SREDSTAVA IZ
TEKUĆE REZERVE BUDŽETA KANTONA SARAJEVO
ZA 2021. GODINU****I**

Iz Tekuće rezerve Budžeta Kantona Sarajevo za 2021. godinu, ekonomski kod 600000, odobrava se izdvajanje sredstava Kabinetu premijera Kantona Sarajevo, razdjel 11010001, u iznosu od 25.000,00 KM (dvadeset i pet hiljada konvertibilnih maraka), radi doznačavanja finansijske pomoći Udruženju "Kuća ljudskih prava Sarajevo", a u svrhu pokrivanja dijela troškova osiguranja druge Bh. Povorke ponosa, na ekonomski kod 614300 - Transfer neprofitnim organizacijama.

II

Sredstva iz tačke I ove odluke uplatit će se Udruženju "Kuća ljudskih prava Sarajevo", ul. Dolina br. 1, ID broj: 4200134270008, broj transakcijskog računa 1610000017030010, otvoren kod Raiffeisen banke Sarajevo.

III

Korisnici sredstava iz tačke I ove Odluke obavezni su dostaviti izvještaj o namjenskom utrošku sredstava sa odgovarajućom dokumentacijom u roku od 15 dana od dana utroška sredstava.

IV

Za realizaciju ove Odluke zadužuje se Ministarstvo finansija i Kabinet premijera Kantona Sarajevo.

V

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-30315/21

05. augusta 2021. godine
Sarajevo

Premijer

Edin Forto, s. r.

Ministarstvo finansija Kantona Sarajevo

Na osnovu člana 17. stav (1) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", br. 5/21), po zahtjevu Fakulteta zdravstvenih studija u Sarajevu, ministar finansija donosi slijedeću

ODLUKU**O PRERASPODJELI SREDSTAVA U BUDŽETU
KANTONA SARAJEVO ZA 2021. GODINU ZA
BUDŽETSKOG KORISNIKA FAKULTET
ZDRAVSTVENIH STUDIJA U SARAJEVU**

1. Odobrava se preraspodjela sredstava u Budžetu Kantona Sarajevo za 2021. godinu, vlastita sredstva u iznosu 8.520 KM u razdjelu 35020012 Fakultet zdravstvenih studija u Sarajevu i to:

Raz.	Glava	Potr. jed.	Ekonom. kod	Sub-analitika	Funkcija	OPIS	Iznos
21	02	0012	35020012			Univerzitet u Sarajevu – Fakultet zdravstvenih studija	
						Sa ekonomskog koda (Izvor 20)	
35	02	0012	35020012	6131		Putni troškovi	8.520
						Na ekonomski kod (Izvor 20)	
35	02	0012	3502012	6134	094	Nabavka materijala i sitnog inventara	6.020
35	02	0012	3502012	6135	094	Izdaci za usluge prevoza i goriva	2.000
35	02	0012	35020012	6216	094	Rekonstrukcija i investiciono održavanje	500

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-26737/21
30. jula 2021. godine
Sarajevo

Po ovlaštenju ministra
Sekretar
Zejna Avdić, s. r.